

Johann Quistorp

**Programma Rectoris Johannis Quistorpii, S.S. Th. D. Pastoris ac Professoris ...
Academia Rostochiensi, Quo Ad Exequias ... Virginis Annae Margaretae von der
Lühe. Omnes Omnium Ordinum Cives Academicos peramanter invitat : P. P. die
15. Martii Anno Domini M. DC. LIV.**

Rostochi[i]: Kilius, 1654

<http://purl.uni-rostock.de/rosdok/ppn770289282>

Druck Freier  Zugang



Qvistorp, J.
in
A. M. v. d. Lühe.

Rostock. 1654.

56

PROGRAMMA
RECTORIS
JOHANNIS QVISTORPII,

S. S. Th. D. Pastoris ac Professoris,
in Ecclesiâ & Academiâ
Rostochiensî,

Quo
Ad Exequias
Nobilissimæ, Generosissimæ, Pudicissimæ
Virginis

ANNÆ MARGA-
RETÆ von der Lübe.

OMNES OMNIUM ORDINUM CIVES ACADEMICOS
peramanter invitat.

P. P. die 15. Martii ANNO DOMINI
M. DC. LIV.



ROSTOCH,
Literis NICOLAI KILII, Acad. Typogr.

RECTOR
JOHANNES QUISTORPIUS,
S.S. Th. D. Prof. & Past. in Acad.
& Eccles. Rostochiensis.



*P*rimè quidam & Sapientissimè,
durissimum Mortis, in quemcunq; mor-
taliū jus ac imperium, hacce expres-
sit Sententiā *Mors servat legem, tollit cum*
paupere Regem. Nam Iudit terribilis
mors, in omni prorsus vitæ gradu & genere, *aequoq; pulsat*
pede, pauperum tabernas Regumq; turres. Parvi illa facit,
hujus mundi divitias & opes. Nam ut eleganter Me-
nander apud Stob. Serm. 22. *Immortalitas comparari non*
potest, ne si collegeris quidem infinita talenta, quae habuisse Tan-
talus fertur; sed morieris, eaq; relinques aliis. Nullam illa un-
quam expavescit potentiam. Nam ipsa, tum Imperato-
rum diademata, tum Coronas Regum, tum nudos Du-
cum enses; tum avita mortaliū Stemmata, de pristina
suâ potentiâ & magnificentiâ, in feralem suam projicit
potestatem. *Non reformidat illa* (ut Agapetus ad Justin.
præcept. 67.) *splendores dignitatum; omnibus enim voraces*
suos dentes infligit. Non illa *aquilas, gryphos, Leones, Ur-*
fos, canes, hisq; similia animalia; quanquam apertissi-
ma patrum avorumq; testimonia curat; Non *ensibus,*
non *clypeis,* non *galeis,* non *cervorum cornubus,* non
valturarum alis, non *aprorum capitibus,* non similibus ac
pluribus, clarissimorum majorum Stematibus de-
terretur, Flocci facit titulorum splendores; nè pili
æstimat tritavorum, vel mille annis continuatam glori-
am; Sive Hercule, vel Agamemnone sis progenitus; sive
tot generosorum, tot nobilium, Sago totaq; famigerabi-
lium.

lium Capita, in tuâ gente nomines, quot vix alii numerare possunt homines, & vel mille familiarum gradibus, ad gloriæ fastigium contendere nitaris; parum hæc, mors moratur. Nullum talium respectum habet mors implacabilis: Omnia hæc, quæ mundus miratur & stupet, in solitudinem & tenebras conjicit, & ut Boetius 2. de Consol. phil. met. 7.

Involvis humile pariter & celsam caput

Aequatq; summis infima.

Experti id sumus toties, ipsisq; oculis conspicimus ferme quotidie, nihil esse in hocce mundo, adeo superbum, nihil adeo in conspectu mortalium splendere, nihil tam insigniter enitescere, nihil etiam tam securis, firmisq; radicibus esse munitum, in quod Mortis violentia non valeat. Et jam hodiè vel hanc Nobilissimam Virginem ANNAM MARGARETAM von der Lûhe / non absq; luctu & mœrore contuemur; Quæ illustris sanè Virginalis Sexus Corona, non tam citò, suam deposuisset mortalitatem; Si crudelis immitisq; mors, ejus antiquissimi ac præclarissimi stemmatis, ejusq; aviti generis, cujus verustas Hystoricorum eludit diligentiam, rationem habuisset. Nata etenim illa fuit Anno M. DC, XX XIV. die 4. Novembris. Patre, Viro Generoso, Strenuo, Nobilissimo, Dn. DANIELE von der Lûhe / in Netterstorff / Hæreditario. Matre verò Generosâ, Nobilissimâ Fœminâ, summis, quæ Nobile exornant gen^o, condecoratâ Virtutibus, SOPHIA Bierreggen / de domo Weitendorf / progenitâ. Originem suam traxit, è celeberrimis, ac antiquissimis, von der Lûhe / & Bierreggen / prosapiis. Avum paternum habuit, à parte patris. Virum Generosum ac Strenuum Dn. OTTONEM von der Lûhe / in Netterstorff & Jlow Hæreditarium. Aviam paternam DOROTHEAM von Plessen / de domo Steins
A 2
haussen.

Baltissen. Proavum paternum habuit Dn. **GEORGIUM** von der Lühe / in Ketterstorff & Kölschow hæreditarium. Proaviam paternam **AGNETEM** Behren / de domo Müstrow. Abavum paternum habuit Dn. **DANIELEM** Plessen/in Steinhaußen Hæreditarium. Abaviam paternam **MARGARETAM** Krosch / de domo Golberck. Atavum Paternum habuit Dn. **JOACHIMUM** von der Lühe/ in Ketterstorff & Kölschow/ Hæreditarium. Ataviam pateryam **ELISABETHAM** Negendanc/ de domo Eggerstorff. Tritavum paternum habuit Dn. **HEININGUM** Krosch. Mecklenburgicum **MAR-SCHALLUM**, & Præfectum in Golberck. Tritaviam paternam **CATHARINAM** Lüchowen / de domo Bae kendorf. Quadritavum paternum habuit Dn. **OTTO-NEM** von der Lühe / in Ketterstorff; Flow/ vnd Kölschow/ Hæreditarium. Quadritaviam paternam **ELISABETHAM** von der Osten/ de domo Karstorff. Quintavum paternum habuit Dn. **HENRICUM** Bafwike/ in Lüsborg Hæreditarium. Quintaviam paternam habuit **DOROTHEAM** Grabowen/ de domo Wofse. Hisce gloriosis Majoribus, addi possunt, splendidissimæ, von Moltken/ von Negendanc/ von Behren / von Buchwaldt/ von Kofren/ von Prehnen / familiæ; è quibus non modicam capere poterat laudem piè defuncta Virgo; cum non postrema sit felicitas humana, ab eximiis & honoratissimis Majoribus vitæ suæ primordia ducere. Verum si maternam etiam excutiamus progeniem; cernemus non minorem Virginis hujus defunctæ eminentiam. Avum enim maternum à parte matris, nobis ostendit Dn. **PAULUM** Birreggen/ in Weitendorf Hæreditarium. Aviam Maternam, **DOROTHEAM** Walsche leben/ de domo Leistenow è Pomeraniâ prognatam. Proavum maternum ostendit, Dn. **VALENTINUM**

Wierg

Vieregge / in Weitendorf & Borrentin Hæreditarium
Proaviam maternam ANNAM von Orßen / de domo
Herzhagen & Gorow. Abavum maternum ostendit Dn.
OTTO NEM Walsleben in Leisteinow / Buschmühlen /
& Hagenow Hæreditarium. Abaviam maternam
MARGARETAM Linstowen / de domo Linstow.
Atavum maternum ostendit JOACHIMUM Vieregge
in Weitendorf & Borrentin Hæreditarium. Ataviam
Maternam CATHARINAM Levezowen / de domo
Wistorf. Tritavum Maternum ostendit Dn. Vicede von
Orßen / in Gerzhage & Gaurow Hæreditarium. Trita-
viam maternam MARGARETAM von Dälowen /
de domo Berrendorf. Quadritavum maternum osten-
dit, Dn. MAURITIUM Linstow / in Linstow Hæredi-
tarium. Quadritaviam CATHARINAM Kardorfen /
de domo Grankow. Quintavum maternum ostendit
Dn. JOACHIMUM Levezow / in Wistorf Hæredita-
rium. Quintaviam maternam CATHARINAM Hanel
de domo Pleß & Kächelins prognatam. Quibus omni-
bus famam immortalem consequutis, lineæ maternæ
majoribus, adyecienda erunt inclutissimarum familia-
rum, von Sperlinge / von Sibowen / von Flotowen / von
Passowen / von Barholde / von Grabowen / von Hoben /
nomina; è quorum sanguine, vitæ suæ deducit auspicia,
Virgo hæc Nobilissima; quæ nihilominus respicere no-
luit atrocissima mors, & tam subitò, Virginem animo &
corpore elegantem, è cætu mortalium expunxit. Quæ,
quamprimum hæcæ communi lucis usurâ, ante 20. an-
nos & 3. menses frui cæpisset, in familiam CHRISTI
JESU nobilissimam, per lavacrum regenerationis ado-
ptata est, illisq; virtutibus informata, quæ præclarissimè
natam Virginem, suo generi & majoribus laudatissimis
convenienter, exornare poterant. In sexto fermè ata-
tis


tis tenerrimæ anno, tum patre tum matre orbabatur,
nimisq; citò, sibi duos fratres, & tres sorores, à
morte præreptas, anxio pectore, madentibusq; oculis,
olim deplorabat; excipiendo unicam hanc dilectissi-
mam Sororem DOROTHEAM von der Lüße/ nunc
ob suum intempestivum obitum moestissimam; è cujus
unicæ salute & incolumitate, maximum ad extremum
vitæ halitum, percipiebat solatium; Tam festinanter
parentibus dulcissimis destitutam, sumserat ad se cha-
rissimæ genitricis Frater, Generosissimus Dn. OTTO
Bieregge in Weitendorff Hereditarius; quam Svavissima
ejus conjux, in omnibus virtutibus, in DEI timore &
cultu, in omni deniq; honestate sedulò educavit, & apud
se, ad Annum M. DC. LI. retinuit. Dum verò mox Dn.
OTTO von der Lüße / in Xetterstorf Hereditarius, fra-
terq; beatissimæ memoriæ Virginis hujus germanus;
dum inquam, DEO sic consciscente, Nobilissimam ac
Generosam Virginem, ELISABETHAM Buch-
waldt/ Generosi & Strenui Viri Dn. FRANCISCI
JOACHIMI von Buchwaldt/ Celsissimi Principis &
Ducis Mecklenburgici Præfecti ac Capitanei relictam
filiam, sibi conjugio associavisset; apud ipsammet Vir-
gò piè mortuâ, simul cum amantissimâ Sorore suâ DO-
ROTHEA, quæ adhuc dum DEI benignitate, vitæ
munere fruitur, commorabatur: Verum cum Præpotens
DEUS, prænominatum fratrem charissimum mundo ci-
tius valedicere, dulcesq; conjugis amplexus, vix anno
elapso, relinquere jussisset; consilio Viri Excellentissimi,
Experientissimi, Dn. STÉPHANI SCHULTETI,
Medicin. Doctoris & Professoris celeberrimi, Collegæ
& Adfinis honoratissimi; ad murandum aerem, & refo-
cillandas imbecilliores illo tempore vires, ad parentis,
olim

olim dilectissimi Sororem, Viri Nobilissimi, Generosi
Dn. Nicckman von der Lancken / Ducalis Præfecti & Capita-
tanei Consortem, Strelitzium semet recepit. Verum
cum morbus infirmitasq; ipsius majus fumeret incre-
mentum, paruit dilectissimæ Sorori DOROTHEÆ,
dum ipsam indè accipiens antè sesquiannum Rostochi-
um adduceret; non alio fine, nisi ut efficaciora sanitatis
recuperandæ consilia nancisci, remediaq; varia diligen-
tius adhibere posset. Et me hercule! imploratâ prius
Divinâ ope, omnia media humanâ non aspernabatur;
quæ nihilominus exiguum vel nullum ipsi adferre po-
terant emolumentum; quandoquidem illam, Divina be-
nignitas, longè diuturniori animæ sanitati, vitæq; illi,
in immensam duraturæ æternitatem reservabat. In-
prolixiori morbo, miram patientiam, vereq; Christia-
no homine dignissimam, semper demonstrabat; cumq;
tanquam virtutum officinam, tanquam humilitatis gy-
mnasium, tanquam probitatis magistrum, animitus am-
plectebatur. Et dum adverteret, de die in diem, mor-
bum vires roborq; sumere, sibiq; imminere inevitabi-
lem è mundo hoc emigrandi necessitatem; alias sæpè,
& aliquot, ante ultimum vitæ terminum diebus, Me-
metipsum, ad se advocari curabat, cum summâq; orabat
devotione; ut illius animam, *dissolvi & esse cum CHRISTO*
cupientem, ejusdem Sacro Sancto corpore Sangvineq;
preciosissimo, reficerem. Quod dum Divinâ adjuvan-
te fecissem gratiâ, summâ mentis tranquillitate, animo
infracto & impavido, fatalem meram expectabat; sermo-
nes hosce ardentem pietatem spirantes, ex adyto pecto-
ris depromebat. Ach mein lieber Gott / sey doch nicht
lange / spanne mich aus Jesu du liebster Heyland mein / löß
mich aus / und führ mich heim. In die Wunden dein / schließ
ich


ich mich ein/ dein wil ich tode/ vnd lebendig seyn/ in tam piis,
tam sanctis permanens ac perseverans precibus, tantaq;
munitâ constantiâ, ut nullo mortis metu se perrumpi
pateretur. Dominicâ primâ Adventus, Anni nuper
elapsi 1653. ipsò meridiei articulo, in horæ 12. puncto,
præter spem & opinionem præsentium, placidissimè
animam exhalabat, ut mors somno simillima videretur.
Ita nobis occidit generosa Virgo ANNA MAR-
GARETA von der Lütse/ in ipsâ juvenili ætate; post-
quam vixisset annos XIX. 3. Septimanas, & diem unum;
occidit, & exemplo suo nos commonefecit, omnia nata
in terris interire; omnem gloriam, omnem pompam, om-
nes voluptates, instar umbræ evanescere, volitareq;
ludubria ventis. Vos jam OMNES OMNIUM ORDI-
NUM CIVES ACADEMIÆ, vestris titulis honoratis-
simi; animitus felicissimæ huic animæ, cælo jam rece-
ptæ, vitamq; beatissimam, nullis annorum terminis,
nullâ felicitatis mensurâ circumscriptam agenti, mecum
gratulemini. Itote (obsecro & invito peramanter &
officiosè) frequentes, Exequias Nobilissimo genere,
Virtutibusq; Eximiis condecoratissimæ Virgini; Cor-
pus ejusdem, velati nobile, animi piissimi, diversorium,
è domo Nobilissimi & Generosi Dn. CASPARIS
Bieregge/ Consulis hujus Reipublicæ incliti, & Mar-
schalli Bützoviensis, ad locum quieti ipsius ac requiei
destinatum efferendum, decenter deducite; Memores
propriæ quoq; fragilitatis. Memores, quod ad eundem
terminum omnes movemur; quod similis nos maneat,
rerum humanarum meta. P. P. Rost. sub Sigillo
Acad. die 15. Martii A. D. 1654.

Conventus fiet horâ primâ in Templo Mariano.





olim dilectissimi Sororem, Viri No
Dn. Niclman von der Lancken / Ducali
tanei Consortem, Strelitzium seme
cum morbus infirmitasq; ipsius ma
mentum, paruit dilectissimæ Sorori
dum ipsam indè accipiens antè sesqu
um adduceret; non alio fine, nisi ut e
recuperandæ consilia nancisci, remed
tius adhibere posset. Et me hercul
Divinâ ope, omnia media humana
quæ nihilominus exiguum vel nullu
terant emolumentum; quandoquiden
nignitas, longè diuturniori animæ sa
in immensam duraturæ æternitatem
prolixiori morbo, miram patientiam
no homine dignissimam, semper dem
tanquam virtutum officinam, tanqua
mnasium, tanquam probitatis magist
plectebatur. Et dum advorteret, de
hum vires roburq; sumere, sibiq; im
lem è mundo hoc emigrandi necessit
& aliquot, ante ultimum vitæ term
metipsum, ad se advocari curabat, cum
devotione; ut illius animam, *dissolvi*
cupientem, ejusdem sacro Sancto co
preciosissimo, reficerem. Quod dum
te fecissem gratiâ, summâ mentis tra
infracto & impavido, fatalem meram e
nes hosce ardentem pietatem spirante
ris depromebat. *Ach mein lieber B
lange / spanne mich aus Jesu du liebster
mich aus / und führ mich heim. In die W*



the scale towards document

Serial No. 013